

1 Այդ նյութերը պահպանվում են ՀՀ ԳԱԱ հնագիտության և աղագրության ինստիտուտի բանահյուսության արխիվում, Վերոյին Սվադովանի ֆոնդում (այսուհետև կոչվի միայն վավերագրի համարը):

Անի ձոր, Ղարսի կամուրջ, Արյան ձորի վրա Շուղրի կամուրջ: Ադ բոլոր անունները Անի քաղաքն էր²:

Լևոն Բ Մեծագործ թագավորի օրոք կազմակերպված հայերի վերաբնակեցման մասին է վկայում ժողովրդական հետևյալ երգի պատառիկը.

Մշո դաշտեն էլեր, կուգանք,
համշին փաթթեց Լեոն արքան,
Ոտարական ենք մնացել.
Միացե՛ք, հայե՛ր, միացե՛ք³:

1453 թ., Կոստանդնուպոլսի անկումից հետո, Հայկական Կիլիկիան նվաճեցին օսմանյան թուրքերը, իսկ XVII դ. կեսից այնտեղ գրեթե ինքնագլուխ իշխեց ափշարական Ղուզան օղլու ցեղը: Զեյթունցիները, օգտվելով իրենց աշխարհագրական նպաստավոր պայմաններից, բանուկ ճանապարհ-ինքից հեռու ընկած անառիկ լեռների ու ձորերի գրկում, վաղուց կիսանկախ կյանք էին վարում և միայն շնչին տուրք էին վճարում թուրքական կառավարությանը: Այդ հանգամանքն անհանդուրժելի էր Մարաշի փաշաներին ու շրջակա մահմեդական ցեղապետներին, որոնք բազմիցս փորձում էին վերաց-ինել Զեյթունի կիսանկախ վիճակը, բայց այդ նրանց չէր հաջողվում: Զեյթուն-ցիները մշտապես պատրաստ էին հակահարված տալ թշնամուն, որպեսզի պաշտպանեն իրենց գոյությունն ու պատիվը. «Էնոր համար ալ,—շարունա-կել է Կ. Թոզլյանը,—մենք խաղի, պարի ետևեն չէինք. մենք թյուֆենգ-բարութ (հրացան-փառուդ) շինելու ետևեն էինք, որ մեր նամուսը թուրքին ձեռքը չանցնի: Էնոր համար ալ մեր երկիրը բոլուզ (տղա), որ ծնվեր կրսեին՝ չախմախիու մըն ալ էվլըցով (մի հրացան բռնող ևս ավելացավ): Զեյթունցի մեր մայրերն ալ որպես օրորոցային կերգեին.

Բոլուզս վոզը գդրտջ մը գունա,
Կիդեմը փոռ լյաշը դյուշմունա.
Այժոթ-աբրըշոն թիֆոնգը բեցը՝
Դալմը բրդ ինս դյոզյուշան մեցը:

Որդիս վաղը կդառնա կտրիճ⁴.
Թշնամու դիակը կփոռ գետնին.
Արծաթ-օղակով հրացանն ուսին՝
Ինքնամոռաց նա պիտի կռվի:

Մարդկային տարրական իրավունքների՝ փրտակցությամբ, արժանա-պատվության ու մեծահոգության ոգով դաստիարակված Կիլիկիացիներին, անշուշտ, անհարիր էր օտարի յուծն ու բռնությունը: «Օրին մեկը,—շարու-նակել է Կ. Թոզլյանը,—Ազիզ փաշան կէլլա Մարաշեն 40 հազար ասքար կհավաքե, ճամփին ալ 10 հազար բաշիբոզուկ կժողովե, կուգա, որ Զեյթու-նը ջնջե՛ տեր դառնա մեր հողերուն, մեր աղջիկ-կնիկներուն: Եվ 1862 թ. մեր զեյթունցիները կռվեցան.

Ազիզ փաշան էկավ, թնդանոթ լարեց,
Հարյուր արկ նետեց՝ էշ մը գլտորեց,
Թաշլանը թոփիլին զարկավ՝ տապալեց,
Փաշան սոսկումեն գետինը փռվեց⁵:

Այնուհետև հարձակվում է Աշիբ փաշան, որին հանձնարարված էր պատ-ժել ապստամբ զեյթունցիներին, սակայն գործին միջամտում է ֆրանսիա-կան կառավարությունը, և զեյթունցիների խնդիրը իբր յուծվում է «խաղա-ղությամբ»:

2 Վավ. 66:

3 Վավ. 417:

4 Բարբառային և թուրքալեզու բնագրերի հայերեն թարգմանությունները մերձ են:

5 Վավ. 78:

6 Նույն տեղում:

Զեյթունցիները, չհաշտվելով ստեղծված իրավիճակին, կրկին զենքի են դիմում և քաղաքից վտարելով թուրք կալմակամին, իրենց անկախ են հայտարարում: Թուրքական կառավարությունը, ռազմական ուժեր կենտրոնացնելով, որոշում է ճնշել նրանց, բայց զեյթունցիները դարձյալ շեն են թարկվում և հրաժարվում են հարկ վճարել: Ապստամբների դիմադրությունը շարունակվում է մինչև 1879 թ., երբ Բարձր Դուռը ստիպված բանակցություններ է վարում նրանց զխավորող Պապիկ իշխանի հետ՝ նրան ճանաչելով Զեյթունի քաղաքագլուխ:

Պապիկ փաշա դեղի.— Քիմսեյն դաթմամ,
Հալեպ վալիսինին աղզրնա բաթմամ,
Ցուղ բին ասքեր գելսին՝ երիմդեն քալքմամ,
Ալաման Զեյթունը, Դյուն, Ֆերի՛դ փաշա:

Պապիկ իշխանն ասաց.— Ոչ մեկին հաշվի չե՛մ առնի,
Հալեպի վալու հրամանը չե՛մ լսի,
Հարյուր հազար ասկյար թե գա՝ տեղիցս չե՛մ վեր կենա,
Զեյթունը չգրաված՝ ետ դարձիր, Ֆերի՛կ փաշա:

Զեյթունի 1895 թ. ապստամբությունը տեղի է ունենում սուլթանական Թուրքիայի կազմակերպած հայկական կոտորածների պայմաններում, երբ զեյթունցիները նորից դիմում են ինքնապաշտպանության: 75-ամյա իշխան Ղազար Շուրուտնի և Անդրիայից ժամանած հնչակյան գործիչ Աղասի Թուր-Սարգսյանի զխավորությամբ զեյթունցիները կրկին ապստամբության դրոշմ են բարձրացնում: Պաշարում են տեղի թուրքական զորանոցը, որը Զեյթունի կառավարական շենքն էր և ուղտեղ 600 ասկյար էր վարժվում: Զեյթունցիները կտրում են զորանոցի ջուրը, զինաթափ են անում թուրք կայազորին, զրավում են ռազմամթերքն ու սննդամթերքը: Զայրացած սուլթան Համիդը որոշում է «մոխրակույտի վերածել այդ լեռը»: Նա հրամայում է Շամի, Հալեպի, Բեյրութի, Ադանայի թուրքական զեդերին (60 վաշտ զորք) Ռամզի փաշայի զխավորությամբ, մի քանի ուղղություններով զրոհել Զեյթունի փրա, բայց՝ ոչ մի արդյունք: Այնուհետև Ալի բեյը 30 հազար զորքով հարձակվում է Ֆրոնտուզ գյուղի վրա: Հայերը փոքրաթիվ ուժերով երեք օր դիմադրում են՝ թշնամուն պաաճառելով մեծ կորուստներ: Ռամզի փաշայի բանակը կրկին է հարձակվում, այս անգամ արդեն՝ Սանդուխ լեռան ստորոտին դիրքեր զրաված 150 հայերի վրա: Թուրքերը, բաղմաթիվ կորուստներ կրելով, նահանջում են: Այդ դեպքերն իրենց գեղարվեստական արտացոլումն են գտել զեյթունցիների բարբառով ծավալուն վիպերգի մեջ, որից մեջբերում ենք մի հատված.

Պեյտիս ճուր ձիվիցոնք,
Իգոնք դշլայն դեխիցոնք,
Ասքեյնին եսիլ առոնք.
Միլ բայուր դեգիցոնք:

Բերդիդ Զայի մոտ կովեցինք.
Եկանք զորանոցը դրավեցինք,
Ասկյարներին դերի վերցրինք.
Մեր դրոշակը պարզեցինք:

Փաշան լսից՝ գաղղիցով,
Իզիք Զիմոգ՝ պանագիցով,
Սանդուխ հիդվինուս ձիվիցով,
Մաշշո էղով՝ քիշվիցով⁸:

Փաշան լսեց՝ կատաղեց,
Եկավ Զերմուկ՝ բանակեց,
Սանդուխ լեռան տակ կովեց,
Խայտառակվեց՝ խույս տվեց:

Նման անձնվեր պայքարով, ավելի քան երկու ամիս, մի բուռ զեյթունցիներ դուրացազնաբար կռվելով թուրքական բազմահազար զորքերի դեմ

7 Վալ. 397:

8 Վալ. 399:

ամեն զրկանք կրում են, բայց թշնամու առաջ չեն խոնարհվում: Այդ նույն՝ 1895—1896 թթ. բնթացքում Արևմտյան Հայաստանում և Անատոլիայի հայաբնակ զավառներում սուլթան Համիդի կազմակերպած զանգվածային կոտորածներին զոհ դարձան շուրջ 300 հազար հայեր:

Սուլթան Համիդի իշխանության տապալումից հետո կառավարության ղուլի անցած երիտթուրքերը, դավաճանի պանթուրքական և պանիսլամական գաղափարախոսությունը, ձգտում էին ոչ միայն պահպանել Օսմանյան կայսրությունը, այլև բռնությամբ ոչնչացնել կամ ձուլել-թուրքացնել հայերին և քրիստոնյա մյուս ժողովուրդներին, մտնել համաթուրքական տերություն՝ Միջերկրականից մինչև Արալյան ծով, որի մեջ կմտնեին բոլոր մահմեդականները: Պատմաքաղաքական այդ պայմաններում է կազմակերպվել «Ադանայի կոտորածը» (1909 թ. ապրիլ), որը Կիլիկիայի հայության հիշողության մեջ մնացել է, որպես «Ղըյմա (մորթված) Ագանա»⁹:

Երեք օրվա ընթացքում, ինչպես ժողովրդի մեջ տարածված երգն է վկայում, «Անապատ դարձավ շքեղ Կիլիկիան...»¹⁰: Ադանայի դեպքերի անմիջական տպավորության տակ է հորինված արտահայտչական խորոթյամբ ու դեղարվեստական պատկերավորությամբ հագեցած հետևյալ երգը.

Հե՛յ, չամլա՛ր, չամլա՛ր, ալ-աջք չամլա՛ր,
Հեր գյոնե՛ն Վուրու՛նջա՝ սաքըզ դամլա՛ր,
Ադանա ըրմաղը՝ լե՛շ իլան քանլա՛ր,
Իշդե գելդիմ սանա, ղըյ՛մա Ադանա,
Իշդե գյոդդիմ սիգե, ղըյ՛մա շոշուքլար¹¹:

Հե՛յ, մայրինե՛ր, մայրինե՛ր, գուլն-գուլն մայրինե՛ր,
Ամեն արև դիպչելիս՝ խեժը ծորում է կաթ-միթ,
Ադանայի գետում՝ արյուն և դիակ.
Ահա քեզ եկա, ջարդվա՛ծ Ադանա,
Ահա ձեզ տեսա, մանուկներ մորթված:

Կիլիկիայի կոտորածին զոհ դարձան շուրջ 30 հազար հայեր: Ավերվե-րին ու հրկիզվեցին տասնյակ հայաբնակ քաղաքներ ու գյուղեր: Այնինչ Դյուրթյուր, Հաճըն, Մուսալեռ, Միսը, Զեյթուն, Շեյխ-Մուրադը, Ֆընդը-ջադը և հայկական մի շարք այլ բնակավայրեր, իրենց հերոսական ինքնապաշտպանությամբ, կասեցրին տասնյակ հազարավոր թուրքերի հարձակումը և փրկվեցին կոտորածից:

Ըստ էության, դա Մեծ եղեռնի նախերգանքն էր, երբ երիտթուրքերը տենդորեն նախապատրաստվում էին հիմնովին բնաջնջել հայ ժողովրդին՝ սպասելով հարմար առիթի: Այդ առիթը ստեղծվեց, երբ բռնկվեց Առաջին համաշխարհային պատերազմը:

Թուրքիայում ապրող քրիստոնյա ազգերի, այդ թվում նաև հայերի հա-մար մեծագույն շարիք էր դարձել սեֆերիդիքը՝ զորահավաքը: 20—45 տա-րեկան տղամարդկանց, զորահավաքի անվան տակ, ներգրավում էին «աշ-խատանքային գոմարտակաների» մեջ և, ըստ հատուկ հրահանգի՝ աչքից հեռու, ծածուկ վայրերում սպանում¹²: Ահա թե ինչու թուրքական բանակին բռնի զինվորագրված հայ երիտասարդը նախազգում էր.

Բունա էույում յուլը դերլեր.

Ալլա՛հ քուրթարսըն,

⁹ Ավելի մանրամասն տե՛ս, ադանացի Սրբո՛ւնի Մակարյանի (ծնվ. 1903 թ.) և Միքայել Բեշիշյանի (ծնվ. 1904 թ.) պատմած հուշերը, վավ. 1408, 1409:

¹⁰ Զեյթունցի վիպագիր Սմբատ Բյուրաաի բանաստեղծության ժողովրդականացած այս տարբերակը տես վավ. 448:

¹¹ Վավ. 446:

¹² Ավելի մանրամասն տես լսնաբկալիցի Գևորգ Զուլալյանի (1909 թ.) հուշը, վավ. 1461:

էրմենիկեր շոք դըր դերեր.
Ալլա՜հ սաքլասըն¹³,

Սրան մահվան ճամփա կասեն.
Աստվա՛ծ թող փրկի,
Հայերն այնտեղ շատ ու շատ են.
Աստվա՛ծ պահպանի:

Եվ հայ երիտասարդը հանգում է ճիշտ եզրակացության.

Թուրքի բանակ երթալու եմ,
Հրացան բռնելու եմ,
Ես ի՞նչ ընեմ Տաճկաստան.
Ահա կերթամ՝ Հայաստան¹⁴,

Թուրքական զորահավաքն ուղեկցվում էր համատարած շուրջկալներով,
որոնց ընթացքում, «զենք հավաքելու» թպարվակի տակ, ավերում էին հայ-
յերի տները, կողոպտում նրանց ունեցվածքը, ձերբակալում և սպանում շա-
տերին.

— Օլա՛ն, գլավո՛ւր, դողդու սեռլի,
Սենին մարթին վարո՛մըշ:
— Հե՛յ գլավո՛ւր, ճիշտն ասա,
Քեզ մոտ հրացան կա՞:

Հայ երիտասարդն իբր անտեղյակ ժխտում է, բայց իր մտքում ասում.

Պատեն կախված է. շե՛մ ըսեր,
Հայոց ազգը շե՛մ մատներ¹⁵:

Զորահավաքին ու զինահավաքին հաջորդում են հայ մտավորականու-
թյան ձերբակալությունները, որպեսզի հայ ժողովուրդը զրկվի ոչ միայն
ռազմունակ ուժից, այլև՝ ղեկավար մտքից: Դեպի Միջագետքի անապատներն
էին քշվում օսմանյան խորհրդարանի անդամ Գրիգոր Զոհրապը, Ռուբեն Սե-
վակը, Սիամանթոն, Վարուժանը, մեծ երաժիշտ Կոմիտասը և շատ ուրիշներ:
Փակվում էին հայկական դպրոցները.

Դպրոցը մտան, վարժուհուն բռնեցին,
Վա՛յ, ամա՛ն,
Բերանը բացեցին, լեզուն կտրեցին,
Ա՛խ, ամա՛ն¹⁶

քանի որ վարժուհին հանդգնել էր հայ մանուկներին հայերեն ուսուցանել:
Բռնագաղթը նախ սկսվում է Կիլիկիայից: Կիլիկիայի արժվաբույն Զեյ-
թունն արդեն վաղուց թուրքական չոնակալության աչքի փուշն էր: Ժամա-
նակն էր հին հաշիվները մաքրել համարձակ գեթունցիների հետ: Զեյթուն-
ցիները, որոնք անցյալի ազատագրական պայքարի փառապանծ ավանդույթ-
ներ ունեին, կարող էին այս անգամ ևս անձնվեր պայքարի դուրս գալ,
բայց դրան խանգարեցին Կիլիկիայի վաթողիկոս Սահակ խասլայանն ու հայ
երեւելիները, որոնք խաբվելով թուրքական կառավարության կեղծ խոստում-
ներից՝ «հնազանդության» կոչ արեցին՝ պատճառաբանելով, որ «Փոքր Ղար-
ժում մը կրնա վտանգել Թուրքիո նահանգներու ամբողջ հայությանը»: Կի-
լիկիայի հայերին վերևից պարտադրված այս «անգործնականությունը» ող-

13 Վալ. 424:

14 Վալ. 423:

15 Վալ. 437:

16 Վալ. 449:

րերգական տողերով է նկարագրված «Կաթողիկոսդան գելդի քարտ խա-
րերը» (Կաթողիկոսից եկավ սև լուրը, այսինքն՝ զենքի շղիմելու հրահանգը)
ծավալուն վիպերդի մեջ¹⁷։

Թուրքական կառավարությանն արդեն հաջողվել էր հավաքել հայերի
ղենքերը, և րիտասարդներին ղինվորագրել բանակ, իսկ անօգնական մնա-
յած ժողովրդին կողոպտում էին «ղինտիզ-իմանսըզ» (անխիղճ-անհավատ)
զաբիթներն ու ոստիկանները, պատվազրկում էին հայ աղջիկներին ու կա-
նանց։ Չղիմանալով այս բոլորին, զեյթունցի լքսան երիտասարդներ, Փանոս
Չաղրոյանի ղեկավարությամբ, ինքնապաշտպանության են դիմում և Զեյ-
թունի Ս. Ասավաթածին վանքից կրակ բացում։ Հաջորդ օրն իսկ Զեյթունի
300 երեկիներ շղթայակապ տարվում են Մարաշ, որոնցից մի մասին թուրքե-
րը կախաղան են հանում, իսկ մնացածին՝ քշում անհայտ ուղղությամբ։

Այնուհետև ավերվում է Զեյթունը։ Մեկը մյուսի ետևից դատարկվում
են ինքնապաշտպանական կռիվներում մարտիրոսացած Ֆրնդըջազը, Այն-
թապը, Հաճընը, Անտիոքը, Իսկենդերունը, Քեսաբը, Շեյխ-Մուրադը, Մարա-
շը և այլ հայաբնակ վայրեր։ Մուսալիեցի Պողոս Մուպկուկյանը (աշուղ
Դեհլի) բնիկ րարբուտով հետևյալ կերպ է նկարագրել Կիլիկիայի բռնա-
զաղթը.

Հազուր էննը հարեր դըսնհենգ դարեն
Իղուվ փրթրվիլը Կիլիկը էրմանեն,
էնվեր վե Թալնաթ դիժզը փաշինեն
Սաբաբ իղուն մըհաջըրլըբեն.
Բըթըն մաֆ իրեն էրմանը միլլաթեն...
Խոսքը լսվիցուվ Յաղուբինց Խսայեն.
— Լի՛ռը թըղ ըննին, — ասուց կեղանդեն,
Վեզ չըբըր ձոինք մինք միր գյուշմանեն,
Նիդինք, Նիդըղվինք՝ միռնինք միր խուղեն¹⁸։

Հազար ինն հարյուր տասնհինգ թվին
Եղավ կոտորածը Կիլիկիո հայության,
էնվեր և Թալնաթ թուրք փաշաները
Պատճառ դարձան գաղթականության.
Բնաջնջեցին հայ ժողովրդին...
Եսայի Յաղուբյանի կողը լսեցին.
— Լի՛ռը բարձրանալ, — ասաց գյուղացոց,
Թշնամու առաջ մենք վիզ չծոնք,
Զարկենք, զարկվենք՝ մեր հողում մեռնենք։

Մուսա լեռան հերոսամարտի մասնակից 1885 թ. ծնված Մովսես Փա-
նոսյանը մեզ պատմել է, թե ինչպես մուսալիեցիները մեկ մարդու պես երդ-
վել են շենթարկվել բռնազաղթի հրամանին.

Իս հո՛ւս ձննուձ իմ,
Հո՛ւս ալե բըր միռնիմ.
Իս չըմ ուրթո յասսեր քիմը միռնիլ,
Թվունգը ծառիս գըմիռնեմ յաս դիղը
Թաբա մուհաջըր չըմ ըննո¹⁹։

17 Վավ. 406։

18 Վ. Սվազլյան, Մուսա լեռ, Հայ աղագրություն և բանահյուսություն, հ. 16,
Երևան, 1984, էջ 128։

19 Վավ. 1397։

Ես այստե՛ղ եմ ծնվել,
Այստե՛ղ էլ կմեռնեմ.
Ես չեմ գնա ստրուկի պես մեռնելու,
Հրացանը ձեռքիս այստեղ կմեռնեմ,
Բայց գաղթական չեմ դառնա:

Բողոքի ու մրեփխնդրության զգացումը համակում է բոլորին: Մանուկ ու ծեր, թողնելով իրենց տունն ու այգին, բարձրանում են Մուսա լեռան զագաթը: Մուսալեռցիներն անխտիր սկսում են հյուղական երկառուցել, խրամատներ փորել, ամուր պատերով պատնեշներ բարձրացնել՝ հրակնատներ թողնելով: Որոշ տեղերում, թշնամուն տեսնելու համար, կտրատում են անտառները: Փոքրիկ տղաները՝ «թելեֆոնի տղաները», կապավոր են դառնում: Կանայք կազմակերպում են սնունդը: Աղջիկներն ու հարսները հեռվից ջուր են կրում կովողների համար: Թշնամին քայլ առ քայլ մոտենում է դիրքերին: Մուսալեռցիները հիսուներեք օր մարտեր են մղում՝ հերոսաբար գիմադրելով թշնամու բազմահազար զորքերին: Նրանց պարենն ու զինամթերքը սպառվում է, սակայն հերոսական ոգին՝ երբեք.

Մենք մուսալեռցի հայ կտրիճներ ենք,
Բոլորս ալ վարժ զենք կրողներ ենք,
Թուրքը մեղ կուզե տեղահան ընել,
Անապատներում մեզ բնաջնջել:

Մենք չե՛ք կամենար լինել շանսատակ,
Այլ՝ կուզենք թողնել մի լավ հիշատակ.
Փառքով մեռնիլը մեզի պատիվ է.
Նահատակվիլը ազգին պարծանք է²⁰,

Մուսա լեռան հերոսամարտն աշխարհը ցնցեց. այն ցույց տվեց մարդկությանը, թե ինչի է ընդունակ մի բռն ժողովուրդ, եթե ունի հերոսական ավանդույթներ և միասնական կամքի ուժ:

1915 թ. հոկտեմբերին Ուրֆայի հայերը ևս ինքնապաշտպանության են դիմում՝ Մկրտիչ Յոթնեղբայրյանի և Հարություն Ռասթկելենյանի գլխավորությամբ: Ոտքի է կանգնում Ուրֆայի ողջ հայությունը. մանուկ ու ծեր, տղա ու աղջիկ, բոլորը զինված, ինքնամոռաց կովում են քսանհինգ օր ու գիշեր անդադար: Ուրֆայի հայոց թաղամասերը բաժանվել էին մարտական վեց շրջանների, որտեղ տեղաբաշխված էին 800 մարտիկներ: Ուրֆացիները գերադասում էին մեռնել զենքը ձեռքին, քան հանձնվել թշնամուն: Ֆախրի փաշան հետզհետե սեղմում է պաշարման օղակը, բայց ուրֆացիները մնում են անդդովելի²¹.

Ուրֆա բեռյուտ՝ ալոլմաղ,
Դիրի դաթիմ՝ դագըլմաղ,
Ուրֆանրն իգիթլարը
Հե՛շ բիր երե բուլունմաղ²²:

Ուրֆան մեծ է՝ չի բաժանվի,
Հատակը պինդ է՝ չի փոքվի,
Ուրֆայի կտրիճները
Ո՛չ մի տեղում չես գտնի:

²⁰ Վալ. 402:

²¹ Ավելի մանրամասն տե՛ս ուրֆացի խորեն Արևարտությանի (ծնվ. 1893 թ.) հուշեր, վալ. 1422:

²² Վալ. 404:

Կատաղած Ֆախրի փաշան ասել է. «Ի՞նչ կլիկի մեր վիճակը, եթե այս ծանր օրերին մի քանի Ուրֆյաներ մեր դեմ այսպես ծառանան»²³։ Սակայն թուրքական կառավարությունը կանոնավոր դորք է ուղարկում ե դաժան հաշվեհարդար տեսնում Ուրֆայի անձնվեր հերոսների հետ։

Իսկ տուն ու տեղից ղրկված հայ աքաղաղականների հետզհետե նվազող քարավանները դեռ շարժվում էին Դեր Զորի և Ռաս էլ Այնի անժայրածիր անապատներում։

Տեղահանությունն ու կոտորածն արդեն ընդգրկել էին ոչ միայն Կիլիկիան, այլև՝ Փոքր Հայքը, ամբողջ Արևմտահայաստանի հայաբնակ շրջանները։

Դեռևս Առաջին համաշխարհային պատերազմի օրերին՝ 1916 թ. մայիսի 16-ին, Անգլիայի և Ֆրանսիայի զաղտնի համաձայնագրով (Սալթս-Պիկո), Թուրքիայի պարտության դեպքում Երկու միլիոն վեց հարյուր հազար հեկտար մշակովի, բերքառատ հողեր ունեցող Կիլիկիան անցնելու էր Ֆրանսիայի տիրապետության ներքո։ Անգլիայի և Ֆրանսիայի իշխանությունները Հայկական ազգային պատվիրակության հետ նախապես համաձայնվել էին, որ Թուրքիայի դեմ պատերազմի հաղթական ելքից հետո, հայերին կտրվեն քաղաքական լայն հնարավորություններ, և հայ կամավորները կդառնան նորակազմ Ինքնավար Հայկական Կիլիկիայի քաղաքապահ զինվորներ։ Միևտի թուրքական բանակից, աքսորի ճամփաներից փախած, տարբեր վայրերից և նույնիսկ հեռավոր Ամերիկայից ժամանած հայ երիտասարդները (մուսալեռացի, դևլթունցի, ուրֆացի, այնթապցի, մարաշցի, քեսաբցի, հաճընցի, հուանիկցի, չնգոնցի, սեբաստացի, խարբերդցի, արաբկիրցի և այլն) զինվորագրվում են ֆրանսիական բանակին՝ ստեղծելով Արևելյան (Հայկական) լեգեոնը։ Հայ կամավորներն իրենց նահատակ հարազատների վրեժով լցված, արհամարհելով մահը, իրենց մասնակցությամբ պարտություն են մատնում գերմանաթուրքական զորքերին և 1918 թ. Պաղեստինում Արարայի մոտ նվաճում փայլուն հաղթանակ։

Հայ լեգեոնականներն արժանանում են ֆրանսիական ու անգլիական հրամանատարության ղրկատանքին։ Գեներալ Ալեքսին 1918 թ. հոկտեմբերի 12-ին Հայ Ազգային պատվիրակության նախագահ Նուպար փաշային հղած հեռագրում նշել է. «Ես հպարտ եմ հրամանատարությանս տակ հայկական զորամաս ունենալուս համար։ Նրանք կովեցին փայլուն կերպով և մեծ բաժին ունեցան հաղթանակի մեջ»²⁴։

Սերի պայմանագրով (1920 թ. օգոստոսի 10) Կիլիկիայի վրա հաստատվելու էր Անտանտի երկրների հսկողությունը, և թուրքական զորքերը դուրս էին բերվելու Կիլիկիայից։

Դեր Զորի, Ռաս էլ Այնի և այլ կենդանի գերեզմանոցներից հրաշքով փրկված, ուժասպառ և հյուծված հայ աքաղաղականները կամաց-կամաց գալիս, տեղավորվում են Կիլիկիայում։ Նրանք ապագայի նկատմամբ հույս ու հավատով սկսում են վերականգնել ավերվածը, մշակել խոպանացած այգիները, սակայն իշխանության գլուխն անցած քեմալականներին հաջողվում է դաշնակից տերությունների աջակցությամբ հասնել այն բանին, որ Ֆրանսիան զորքերը դուրս բերի Կիլիկիայից։ Ֆրանսիական զինվորական վարչությունը ոչ միայն բուրջ միջոցներ չի ձեռնարկում հայերի անվտանգությունն ապահովելու համար, այլև տեղերում իշխանությունը թողնում է թուրք զինվորական պաշտոնյաների ձեռքին, և մահմեդականները չեն զինաթափվում։ Չճանաչելով Սերի պայմանագիրը և օգտվելով ֆրանսիական զինվորական վարչության անվճարականությունից և թուլությունից, քեմալական զորքերն ու տեղի շեյխներն իրենց զենքն ուղղում են Կիլիկիայի հայության դեմ։

²³ Մ. Արդուսյան, Հայաստան 1914—1917, Երևան, 1969, էջ 453։

²⁴ Ռ. Գ. Սահակյան, Թուրք-ֆրանսիական հարաբերությունները և Կիլիկիան 1919—1921 թթ., Երևան, 1970, էջ 117։

1920 թ. հունվարից քեմալական ղորքերը գրոհում են Կիլիկիայի հայկական բնակավայրերի վրա: Քսաներկու օր տևող կատաղի մարտերում Մարաշ քաղաքի 11 հազար հայեր կոտորվում են ու մոխրացվում:

Մարաշդա Մարաշ դերեր, յաման, յաման,
Մարաշ, բու նա՛սըլ Մարաշ դերեր.
Մարաշըն իշինդե քիլիսի յանար.
Քիլիսի իշինդե՝ էրմենի յանար²⁵:

Ավա՛ղ, Մարաշին Մարաշ են ասում,
Մարաշ, քեզ ինչպե՛ս Մարաշ են ասում.
Երբ քո մեջ եկեղեցի են հրկիզում.
Եկեղեցու մեջ՝ հայեր մոխրացնում:

Մարաշից մազապուրծ վերապրող Վերդինե Մայիկյանը (ծնվ. 1898 թ.) մեզ պատմել է, թե ինչպես Մարաշի Քառասուն Մանկանց եկեղեցին թուրքերը հրկիզում են²⁶: Այնուհետև ողջ մնացած 8 հազար մարաշցիներ, Ուրֆայի 6 հազար հայ բնակչության հետ միասին, հաքկադրված բռնում են գաղթի ճամփան դեպի Սիրիա՝ Հալեպ, Դամասկոս, Բեյրութ, Երուսաղեմ, Բաղդադ:

1920 թ. ապրիլի 1-ին քեմալականները պաշարում են Այնթապը: Պատերազմի ավարտից և զինադադարից հետո, այնտեղ վերաբնակված շուրջ 10 հազար այնթապցի և 8 հազար սերաստացի հայ գաղթականների հազիվ խաղաղված կյանքը Նոդից է փոթորկվում: Տեղում Ազգային միությանը կից ստեղծվում է զինվորական կենտրոնական մարմին՝ Ադուր Լեոնյանի ղեկավարությամբ: Վերջինս հաշվառման է ենթարկում եղած զինքն ու զինամթերքը և կազմակերպում ուժերի պատրաստելու գործը:

Պատմական այդ իրադարձությունները մեզ պատմել է այնթապցի Գեվորգ Հեքիմյանը. «Ադուր փաշան այնթապցիներու կերակուրի պղինձներն անգամ հալեցնել տվավ, որ բռնաբաներ շինեն: Ան իր կամավորներով հարձակվեցավ թշնամու վրա և դուրս եկավ պաշարումեն: Ալի Քրլընջի քսանչորս հազարանոց զորքը մեկ գիշերվա մեջ սարսափահար ետ փախավ՝ զլավուրն գրգի քան գողու (Հայի աչքն արյուն լցվեց) գոռալով, որը կնշանակե՝ հայերը վրեժով լցվեցին: Այնթապում Ադուր փաշային վրա այս երգն էին հնարել.

Ադու՛ր փաշա, քալք տենի,
Չամ չըրայը յաք սենի.
Թյուրքլար հյուջիմ էդիյոր,
Կամավորլար արշ էդիք»²⁷:

Ադու՛ր փաշա, արթնացիր,
Քո ուժերը շուտ նետիր.
Թուրքերը գրոհում են,
Կամավորներով արշավիր»:

Այնթապի ինքնապաշտպաններն ստեղծում են 750 հոգուց բաղկացած զորախումբ, բայց այդ ընթացքում Կիլիկիայի զորքերի ընդհանուր հրամանատար Գոգան օղլի Դոդան բեյն իր բազմահազար զորքով պաշարում է Հաճըն քաղաքը, որի 30—35 հազար հայ բնակիչներից Մեծ եղեռնից փրկվել էր միայն 6 հազարը: Քեմալականներին թվում էր, թե հեղափոխմամբ կգրավեն Կիլիկիայի հայկական միջնաբերդ Հաճընը, սակայն հաճընցիները լի

25 Վավ. 539:

26 Եվելի մանրամասն տե՛ս վավ. 1414:

27 Վավ. 407:

էին վճռականութեամբ: Նրանք ևս կազմակերպում են ինքնապաշտպանութեան քարձրադուլն խորհուրդ՝ փաստաբան Կարապետ Չալյանի ղեկավարութեամբ: Պաշտպանութեան հրամանատար են ընտրում զորավար Անդրանիկի ղինակից սպա Սարգիս Ճեպեճյանին: Կազմակերպում են շորս վաշտ, վախճուն հեծյալներից քաղկացած հեծելախումբ, Հաճընն ու իր շրջակայքը բաժանում են պաշտպանական շորս շրջանների, փորում են խրամատներ, կառուցում դիրքեր և այլ ամրություններ: Մարտական տրամադրությունը համակում է բոլորին: Ամենուրեք հնչում են ազատատենչ երգեր.

Հառա՛ջ, հառա՛ջ, հաճընցիներ,
Մեր ոխերիմ թուրքն է եկել.
Հառա՛ջ, կռվենք՝ ի զեն, ի զեն.
Տեսնենք թշնամին ի՞նչ կուզե՞ս:

Ձենք կրելու ընդունակ 16—50 տարեկան 1200 տղամարդկանց թաշխվում է եղած-չեղած 132 հրացանը: Հետագայում ձեռք է բերվում ևս 300 հրացան, սակայն այդ ևս խիստ անբավարար էր բուլղիկյան անսպառ ուժ-մասթերքով զինված քեմալական բանակի դեմ կռվելու համար²⁸:

Ահա թե ինչու զենքի խիստ կարիք ունեցող հաճընցիներն ահա՛մարտութեամբ սպասում էին Ադանայի Ազգաբնիկ միութեան միջոցով գրսից ակընկալվող օգնութեանը, որի շնորհիվ ոչ միայն զենք ու զինամթերք, այլև կքոփոդ նոր ուժեր պիտի հասնեին: Վերջապես ձեռնքում հայտնվում է բաղձալի օդանավը.

Օդանավն եկավ մեծ հավետիսով,
Մեր արտերը լցվան ուրախ հուլիսերով,
Թափառին բոլոր մարտիկներն անզեն.
Անոնք հոգիով թուրք ջարդել կուզեն:

Եղբայրներն արդեն նամակ գրեցին.
— Կռվեցե՛ք, եղբայրք, կհասնինք,— ըսին,
Սակայն ի՞նչ խաբար. օրերնիս անցան.
Հազար հոգի են ձերկուք շերեցան²⁹:

Եվ հաճընցի «անդեն մարտիկներին» վիճակն ատտիճանաբար դառնում է հուսահատական: Ֆրանսիական զինվորական ներկայացուցիչները Թեյարտային և զնդապետ Բրեմոնը թեպետ խոստացել էին ինքնապաշտպանութեան համար անհրաժեշտ անհրաժեշտք, զենք ու զինամթերք, ոչ միայն իրենց խոստումը չեն հարգում, այլև թուրքերին տեղեկացնում են հայերի կազմակերպած ինքնապաշտպանութեան մասին.

Ապրիլ կամ՝ մեռնիլ, կտրի՛ճ հաճընցի,
Գրավենք՝ ըսին, թե չէ՝ կմեռնինք.
Գրավենք զմեզ թնդանոթն ահեղ.
Թող հաղթանակը տանինք փառահեղ³¹:

Հաճընցի ազատամարտիկները մեծ դժվարություններ ապրում են թշնամու հակա թնդանոթը, սակայն արկեր չեն գտնում, որ կրակեն ու պաշտ-

²⁸ Վավ. 413:

²⁹ Այդ և հետագա իրադարձությունների մասին պատմել է ղեկավարի Հովհաննիս Բաղդևյանը (ծնվ. 1903 թ.), որն ալն ժամանակ խմբապետ Արամ Չուպկյանի խմբի հետ Ամանուսի լեռներում կռվել է թուրքերի դեմ. տե՛ս վավ. 1392:

³⁰ Առամ Ասպնափ բանաստեղծության ժողովրդական խմբագրման ենթարկված տարբերակը մեզ երգել է հաճընցի Նազենի Մաթամյանը, տե՛ս վավ. 414:

³¹ Նույն տեղում:

պանվեցին: Սովոր ևս խեղճացնում է հաճընցիներին: Այնինչ թշնամին նորանոր թնդանոթներով ու անհամար կանոնավոր զորքով համալրում է իր ուժերը: Յոթամսյա երկարատև ու համառ դիմադրությունը ընկճելիս քեմալականներին հաջողվում է հրետանու անընդհատ կրակով ավերել ու հրկիզել նաև Հաճընի քարաշեն տները: Հարյուրավոր քաջարի մարտիկներ ընկնում են դիրքերում, հազարավոր հաճընցիներ անխնա կոտորվում են: Միայն 380 հոգու է հաջողվում կռվելով ճեղքել թշնամու պաշարման օղակը և դուրս գալ ահավոր հրդեհի օղակից:

Երեք հարյուր հայ քաջերով,
Բոլոր զինված մոսիներով,
Դողան բեյին մենք ջարդ տալով,
Հաճըն ինկավ՝ «Վրեժ» գոռալով...³²

«Վրեժ» գոռալով ընկնում են նաև 314 օր հերոսաբար դիմադրած Այնթապը, հինավուրց քաղաքամայր Սիսը, պա. մական անցյալ ունեցող Տարսոնը, առևտրի կենտրոն Ադանան և հայերով բնակեցված Կիլիկիայի այլ և այլ բնակավայրեր, քանի որ ֆրանսիական կառավարությունը, դրժելով իր կնքած դաշնակցային պարտավորությունները, 1921 թ. հոկտեմբերի 20-ին Անկարայի պայմանագրով Կիլիկիան հանձնում է թուրքերին՝ կոտորածի վտանգի մատնելով Կիլիկիայի հայությունը, Իսկ արժվաբույն Զեյթունը, հայաբույր Զեյթունը, որի 30 հազար բնակիչներից միայն 1058-ն էր Մեծ եղեռնից մազապուրծ վերադարձել, մարտնչող քաջերից շատերն իրենց ազգային հերոս Արամ Զոլալյանի գլխավորությամբ միանում են Ամանոսի լեռներում ըմբոստացած հասանքեյցի (Ադանա) Ավետիսի հերոսախմբին: Հետզհետե ստվարացող, թվով 500-ի հասնող այդ ու կին կըռվողների այդ խումբը, Տավրոսի լեռներում ղենքը ձեռքներին, գիշեր-ցերեկ կռվելով, ահ ու սարսափի են մատնում շրջակա թուրք գյուղերը և Թեպետ հետապնդվում են ասքյարներից, սակայն, անասելի դժվարություններ հաղթահարելով, մինչև զինադադարը շարունակում են մարտնչել թուրքական բռնակալության դեմ՝ հույս ունենալով փրկվել:

Ավերակված տան, հանգած օջախի մոմուռը շարունակում է միայն նրանց հիշողության մեջ ու կորցրած Երկրի երազը հոգու կանչ դարձած՝ ավանդվում սերնդից սերունդ:

Երբ որ լուծվի Հայոց հարցը,
Եվ մեզ տրվի նախնյաց հողը,
Մենք կվարենք մեր արտերը,
Կշենացնենք մեր գյուղերը:

Ցանկամ տեսնել իմ Կիլիկիան՝
Զեյթուն, Հաճըն և Մուսա դադ,
Տարսոն, Մարաշ, Սիս ու Այնթապ,
Կծաղկեցնենք մենք անպայման³³:

Թեպետ թուրքական բռնակալությունը դաժանորեն ընկճում էր տարբեր վայրերում ծայր առած դիմադրական-ինքնապաշտպանական հերոսամարտերը, սակայն իրենց մարդկային տարրական իրավունքների և ազգի ֆիզիկական գոյության համար մարտնչող անձնուրաց հայ հերոսները փայլուն հետք թողեցին հայ ժողովրդի ազգային-ազատագրական պայքարի պատմության մեջ, և նրանց դուրսագնական կերպարներն այսօր ևս նորանոր սխրանքների են ոգեկոչում նաև իր ազգային ինքնորոշման համար պայքարող արցախահայությունը:

32 Վավ. 415:

33 Վավ. 597:

Արցախահայերի պատմական մեծ խիզախումը ևս զարձել է վերապրած կիլիկիահայերի ստեղծագործական ներշնչանքի աղբյուր, քանի որ արցախյան աղատամարտը մարմնավորում է նաև իրենց՝ արևմտահայերի կոյրցրած նրկրի աղատագրման փայփայած իղձը.

Ղարաբաղը մեր փոքրիկ
Մասն է Հայոց աշխարհի
Ինչո՞ւ թողնենք օտարին,
Երբ հայերն են հոն բնիկ³⁴,

Եվ ժողովրդական լեռնորյա երգը հնչում է որպես համագգային պատ-
յամ.

Մեր հա՛յ եղբայրներ, մենք շատ լոկացինք,
Բավական է մեզ այսչափ համբերենք.
Մեր Ղարաբաղը մեզնից խլեցին,
Հիմա ուժ ունինք՝ ետ առնենք նորից³⁵,

Կորուսյալ նրկրի նկատմամբ ունեցած մշտարթուն կարոտն ու բաշ-
ձալի ևրազանքները՝ հրքեք չեն մարում արևմտահայերի հոգում: Պատա-
հական չէ, որ Հայկական պետականության վերականգնմանը նրանք աղ-
ձագանքում են յուրովի, քանզի նրանում են ամփոփում 'Հայկական' մաս-
նավորապես Կիլիկյան պետականության անցյալի փառքը, որի հարատևու-
թյան համար աղոթքախառն լեռնորյա են հղում առ Աստված.

Տե՛ր, դո՞ւն պահե միշտ անսասան
Դյուցազնական Մայր-Հայաստան.
Տուր հարատև խաղաղություն,
Կյանք ու արև, ազատություն.
Հայ դրոշմով մեր պետական
Թող միշտ ապրի ազգն հայկական.
Ամեն³⁶,

ОТРАЖЕНИЕ ОСВОБОДИТЕЛЬНОЙ БОРЬБЫ В КИЛИКИЙСКОМ ФОЛЬКЛОРЕ

В. Г. СВАЗЛЯН

Резюме

Трагические события геноцида и последовавших за ними лет нашли отражение и в фольклоре киликийских армян. Простые, но высокохудожественные задушевные песни своей непосредственностью и глубокой эмоциональностью отражают героический дух народа, восставшего против турецких палачей во имя жизни и Родины.

Наряду с художественной ценностью, песни киликийских армян имеют большое историко-фактографическое и познавательное значение, правдиво и многосторонне отражая освободительную борьбу армянского народа и его стремление к самоутверждению.

³⁴ Վալ. 603:

³⁵ Նույն տեղում:

³⁶ Վալ. 1391: